

# Uprava policije - Otkriveni počinioci krivičnog djela Teška krađa

30.10.2019 10:10

Dana, 28.10.2019.godine policijski službenici PU/PS Živinice zaprimili su prijavu da je, istog dana, u Ul. Gostelja, općina Živinice, NN lice, iskoristivši nepažnju radnika benzinske pumpe, iz unutrašnjosti objekta otuđilo veću količinu novca različitih apoena, te određenu količinu cigareta.

Brzom i efikasnom reakcijom policijskih službenika Uprave policije MUP-a TK (Odjeljenje kriminalističke policije PU Živinice) prikupljena su operativna saznanja o identitetu mogućih izvršilaca, na osnovu kojih su slobode lišeni S.S. rođ.1999.god. i E.O. rođ.1988.god, nastanjeni na području općine Živinice. U službenim prostorijama PU Živinice izvršena je kriminalistička obrada imenovanih kojom prilikom su policijskim službenicima dobrovoljno predali otuđeni novac i cigarete.



Dana 29.10.2019.godine S.S. i E.O. su uz Izvještaj predati Kantonalnom tužilaštvu Tuzlanskog kantona na daljnje postupanje, zbog postojanja osnova sumnje da su, s ciljem pribavljanja protivpravne imovinske koristi, počinili krivično djelo Teška krađa iz člana 287. Krivičnog zakona Federacije BiH.

---

Preuzeto sa web stranice **Ministarstva unutrašnjih poslova Tuzlanskog kantona** - <http://muptk.ba>